

I N  
ARISTOTELIS  
LIBELLVM  
D E  
CONSERVATIONE  
S AN I T A T I S  
AD ALEXANDRVM MAGNVM  
Commentarius  
IOANNIS STEPHANI  
MEDICI PHYSICI VENETI.  
AD ILLVSTRISSIMVM  
ALOYSIVM MOCENICO.



VENETIIS, MDCXXXVII.

APVD HÆREDES IOANNIS DE SALIS.

*Superiorum permissu.*

IN

ARTOTER

LIBELVM

DE

CONSERVATIONE

ET

AD ALEXANDRIANUM

LIBELVM

IOANNIS STEPHANI

MEDICI PHYSICI VNI

AD ALEXANDRIANUM

ALQVIVM MUSEVM



VNI

LIBELVM

DE



ILLVSTRISSIMO  
ALOYSIO MOCENICO  
CLEMENTISSIMO  
DOMINO SVO

*Ioannes Stephanus Fælicitatem.*



ATVRAE genius Arist. euerfis  
veterum Philosophorum opinio-  
nibus tantam sibi docendo com-  
paravit auctoritatem, vt quid-  
quid narrantis ab ore manaret,  
instar esset rationis, quod Pyta-  
goræ contigit; quin tantam à  
Posteris gratiam iniuit, vt vno  
ore proclametur

*Natura interpres exortus vt atherius Sol,*

*Æquandus superis, ac tamquam numen habendus,*

*Quique sapit solus, reliqui velut vmbra vagantur.*

Atque licèt ad summos peruenisset honores, nihil ta-  
men sibi peræquè laudi duxit, ac Alexandri bonæ vale-

tudini præesse, quod vt constaret, hunc ei libellum inscripsit, & summa tuendæ sanitatis capita præscripsit, ratus ad Regij Medici dignitatem euehi, esse extremum ad quod quisque referri potest. Ego verò, qui ne vmbra quidem Arist. referre possum, quique tuæ bonæ valetudini præsum, Illustrissime Aloysi, tanta me video honestatum dignitate, vt quamuis multos non pœnitendæ lucubrationis libros in vulgus emiserim, atque plurimos Veteres eluctando erroris conuicerim, vnde non exigua in nos laus derivata est, tanti tamen non fuit, vt tibi præesse medendo, existimationem meam magnopere non commendarit, cumularitque. Et Hercules, si generis nobilitatem specto, non video, cur mihi Alexandri instar esse non debeas, quum sago, togaque potentium Virorum Myrias, & antiquissima Ducum series se se mihi è familia tua offerat, quorum merita qui volet numerando percensere.

..... *Lybici volet æquoris idem*

*Dicere quàm multa Zephyro turbentur arena, &c.*

Quòd si in te mentis aciem conuerto, nihil tibi deesse video, nihil desiderari, quod heroicam virtutem testetur, & ad summos dignitatis honores euehat. Nam ea tibi est morum conditio, vt omnes alliciat, attrahat, illaqueet, vt quispiam iure cum Hebræis deieret tibi adesse Hannabelem. Tanta porò rerum cognitione præstas, vt nemo sit, qui hac ætate tibi sit conferendus, tantùm abest, vt præferendus. Quare non est mirum, si vniuersi Urbis Synedri te suspiciunt, & virescentem in te Veterum virtutem colunt, & maxi-

mos

mos in Republica honores tibi palatim prælagiunt.  
Hanc verò auspiciatissimam fœlicitatem, virtutum tua-  
rum præmium, tantò faciliùs assequi tibi fuerit inte-  
grum, quantò potior, firmiorque fuerit valetudo, sine  
qua nulla esse potest fœlicitas. Quamobrem vt sub ma-  
nu encheridion habeas, quod summa tuendæ sanitatis  
capita contineat, hunc librum olim ab Apollinis Sacer-  
dote Aristoteli traditum, & Alexandro Magno deuo-  
tum, in præsentiarum nostris lucubrationibus locuple-  
tatum tibi nuncupare visum est, vt obseruantia in te  
mea aliquod extet specimen, & grati animi symbolum.  
Faxit Deus, vt quemadmodum te summa rerum in  
Rep. manet, ita benè valendo par esse possis. Fata in-  
terim precamur, vt te dignissime seruent Venetæ Iuuen-  
tutis decus, & ornamentum.

# AD LECTOREM BENEVOLVM.



*V*LLVM Studium humana natura condu-  
cibilis, nihil tam honestum, quàm presen-  
tem sanitatem tueri, absentem repetere, &  
corrogare. Hinc Plato, tria bona sunt, in-  
quit, benè valere, formosum esse, & habere  
diuitias nulla fraude quæsitas. Quare si nos hoc argumen-  
tum tam sepe inculcamus, si eandem crambem sæpius repo-  
nimus, non in nos, qui rei amore mollescimus, & propende-  
mus, sed in rem ipsam deriuanda culpa, est enim pretiosissi-  
ma sanitas, cuius habitus ex sola dignoscitur priuatione, qua  
nihil egrius fertur. Finge, si libet, Cræso non Cyri, sed  
morbi tyrannide oppresso Vniuersi opificem sanitatis, aut  
opulentia liberam dedisse optionem, nemo, nisi mentis inops,  
illum diuitias summo sanitatis bono prælaturum putabit;  
detracta enim sanitate quid superesse possit boni, aut iucun-  
di? Quam sælicitatem tibi pollicearis, quæ in perfectissima  
actione consistit, (est enim eupraxia) si lœditur, & flaccescit  
sanitate deturbata? Sine sanitate, inquit summus medi-  
cinæ Dictator, corpus, pecuniæ, cæteraque nulli sunt vsui.  
Quare qui agere sæliciter auet, hunc libellum oculis legat, &  
aurea præcepta aure bibat, & alta mente recondat, multi  
enim, ait Pergamenus, ignorantes diætæ rationem, ocyus  
quàm pro natura, occubuerunt.



CLARISSIMO MEDICO,  
ET PHILOSOPHO  
IOANNI STEPHANO VENETO  
ET CENETÆ OPTIMATI.



STEPHANE insignis seclis celebrande futuris  
Palladiæ Cenetæ gloria clara tuæ  
Infracta quantos vicisti mente labores  
Insigne hoc monstrat sedulitatis Opus.

Ingenij monumenta tui Liber iste docebit

Dignus ab æterna posteritate legi.

Quicquid Aristoteles, & cætera turba Sophorum,

Quicquid & Hippocrates edocuerunt, tenes.

Omnia aperta tibi gremio, quæ pulcra recondit

Natura, & quicquid nouit Apollo pater

Namque docens tutò seruandæ dogma salutis,

Efficis inuita viuere morte viros.

Hinc tua post cineres clarebit fama perennis,

Posteritasque tuum grata reuoluet opus.

*Julij Buffonelli*  
*Nob. Coneglanensis*



Elumantis Soboles pulchra per ardua  
Palans resqua, nec unguibus,  
Nec parcens teneris arcibus aurea  
Qualis lilia colligit:

Carpit salicito lycnida pollice,

Et vaccinia mollia:

Bina ut ferta suo texat erotico

Virgo sedula Daphnidi.

Nec sortis dubia dispicit aleam,

Impendensque periculum.

Quin florum immodica capta cupidine

In sublimius euolat.

Quam mox precipitem proficiens Comes

Inclamat procul increpans.

Ab ne te pudeat Virgo labantia

Huc vestigia flectere.

Nonne audis? Humili de valle latratibus

Replet cuncta Pyroticus.

Nulli parcat hians Bellua, & insolens

A tergo impetit, & vorat.

Nuper Calciopem dente mormorderat,

Pallentemque Canidiam.

Refer caca pedem, teque minacibus

Ne committe periculis,

Cernis Tittigiam moribus asperis,

Et mystace perhorridum?

Supplodens pedibus dirus in Hospitem

Iras exacuit cani.

Eia pone moras, teque sodalibus

Quam mox redde superstitem.

Magnis se temerè casibus implicant,

Qui se celsus erigunt.

At si Diva meos temnis aculeos,

Ipsam te quoque despicias.





I  
IN ARISTOTELIS  
LIBRVM  
DE CONSERVATIONE  
SANITATIS AD ALEXANDRVM  
MAGNVM

Commentarius

IOANNIS STEPHANI  
MEDICI PHYSICI VENETI.

**S**CITO à *Alexander*, quòd non est via ad aliquam  
scientiam acquirendam nisi per potentiam, & non  
est potentia nisi per sanitatem, & non est sani-  
tas nisi per equalitatem humorum, &c.

Aristoteli Liber iste adscribitur, tametsi non iniuria quis-  
piam suspicari possit, ex Arabum officina, quorum sapit-  
phrasim, in lucem prodijisse, neque enim eam styli grauita-  
tem, nec præclaram illam methodum, quam vbique præse-  
ferre solet Arist. ostentat. Verumtamen quia ad seruandam  
sanitatem egregia præcepta proponit, quæ vel ex Coi, vel  
Pergameni adytis emanasse dixeris, quæque ex Æsculapij  
apographis se decerpisse Author profitetur, nostra com-  
mentatione locupletare, & corrogata Veterum auctoritate  
confirmare visum est.

Hoc itaque argumento suadet Alex. ut sanitati operam det, quod ad scientiam adipiscendam conferat firma valetudo, nouerat enim sciendi desiderio flagrare Alex. qui, scribente Themistio, Arist. acriter insimulauit, quod Auscultatorios inuulgauerit libros; nam, inquit, qua alia se prestare ceteris poterimus, si ea qua abs se accepimus, frant prorsus communia, ego enim malim doctrina antecire, quam copijs. At vero subdit Author, neutiquam scientiarum ornamentis formari poteris nisi per potentiam, quæ ex bono sanitatis habitu necessaria quadam consecutione proficiscitur, est enim sanitas agendi potentia propter bonam partium constitutionem, atqui sanitas humorum æqualitatem excipit, pendet enim ex calidorum, frigidorumque commensuratione quadam, aut eorum, quæ sunt intra, aut ad continens.

*Arist. 7.  
Phis. c. 17.*

Quare ut commoderatio, & æqualitas facit ad sanitatem, sanitas ad potentiam, & scientiam, ita scientia vicissim, quæ est rerum, quæ sunt, veritatis comprehensio, confert ad potentiam, & imperium (si modo res transferri debeat ad Politiam.) Nam ut ille natura seruus est, qui tantum particeps est rationis, ut sentiat quidem, at non habeat, ita ille naturam dominus, qui scientia, & ingenio præstat. Ratione, & intellectu vigentes, inquit Arist. naturam domini sunt, & rectores aliorum. Hinc 1. Metaphys. dixit, sapientis esse ordinare, quod sapientia sit summa perfectio rationis, cuius solius est ordinem nosse. Eodem Platone spectasse videtur, quando scripsit. Naturæ quidem lege sapientia, potentiaque excellens in idem tendunt, semperque ista duo se inuicem affectant, persequuntur, congregiuntur; Et hac ratione Poetæ Principibus aliquem sapientem familiarem constituere: Homerus Nestorem Agamemnoni: Euripides Thiresiam Creonti: Hesiodus Prometheum Ioui, Maro Achatem Æneæ.

*Arist. 1.  
Polit.*

*In Proæ-  
mio.*

*In Epist. ad  
Dionys.*

Porro imperij auidissimum fuisse Alexandrum vel à pueritia, testatur Plutarchus. Alexander, inquit, Puer

*In Apoph.*

coll

A

ad-

adhuc cum Parentis sui fortia facta intueretur, nequam tamen his gaudebat; sed inexplabilis ad pueros æquales dicere solebat. Pater nil quicquam mihi reliturus est. Illis verò contradicentibus; Imò omnia parat tibi, vt hæredi. Quid tum postea, inquit. Ego interim nil habeo, quod agam. Quis non miraretur tantam regnandi cupiditatem puero infuisse, qui præter naturam eius ætatis non fuit contentus imperio patris sui: Imò ab ipsis statim cunabulis animum in id intendit, vt multorum dominus esset. Hactenus Plutarchus

*Et Deus sublimis ordinavit remedia ad temperantiam humorum, & conseruationem sanitatis, & ea reuelauit Philosophis, & Prophetis, quos illustravit spiritu diuina sapientie, &c.*

*Artem aliam Deus, & rerum natura reperit  
Instituere sacram, qua languida corpora morbo  
Eriperent quouis propria reductura saluti.*

Cecinit verè Vates ille. Ars Medica, inquit Ficinus, diuinitus reperta est, & diuinitus exercetur. Nonne Raphaëlem Archangelum volunt Hebræi huius artis opus exercuisse? Et sanè hanc artem nobilissimam Reges excolere non dedignabantur, quales fuerunt Sabor, & Giges, Medorum Reges: Sabid Arabum, & Mithridates Ponti Rex, Ægyptiorum verò Hermes, & Mesuæus Regis Damasci nepos. Huc accedunt Democritus, Timæus Locrus, Plato, Arist. Apud Homerum Principes tantum medicinam exercent.

Vlisses Diomedis sagittam extrahit Polypus Sarpedoni: Patroclus Eurypilo.

Nec erubuit Achilles Thelephi vulnus manu contrectare, & inspersa ærugine percurare. Neque sua maiestate indignum putauit Alexander, amicis laborantibus medicinam facere. Nec puduit Herculem Medicinæ studio vacare, cuius ope Alcestem grauiter ægotantem, ac fermè desperatam pristinae valetudini restituit. Medicinæ igitur

origo, siue Hebræos, & Arabas, siue Græcos, & Ægyptios Theologos sequaris, ab ipsa diuinitate manauit, vt noster quoque profitetur Author. Deus enim bonorum omnium conditor, sapientiam natura & origine cœlestem participatione terrenam fieri, & in humanum consortium venire voluit, soloque \* Philoponos ad eius cōsuetudinem admittit, ratus indignum à \* Philodoni rem tam sacram illotis manibus atrectari. Eam igitur reuelauit Philosophis, ac Prophetis, quos Plato Angelorum voces audire scripsit.

\* Laboris  
patientes.  
\* Otij secta  
toribus.

*Quos illustrauit spiritu diuina sapientia, &c.*

30. Sect.  
Probl.

Sybillas, & Vates pythonicos fieri, & futura prævidere, non quia afflentur, sed ex atra bile naturali, quæ mentis sedem incessat, arbitratur Arist. sed ita sese habere debet atrabilis, ait Ficinus, vt sanguine, & bile flaua perfundatur, adeò vt sint octo sanguinis particulae, duæ flauæ, totidem bilis-atræ. Hinc spiritus plurimi, lucidissimi, & planè ætheri exoriuntur, quibus præditi diuinis influxibus, oraculisque ex alto replentur, Diuis proximi noua quædam, & inusitata excogitant, & futura prædicunt. Hinc Arist. meritò carpit, & sugillat ignauum vulgus, quod somnia, & visa vulgaribus, & idiotis potiùs immitti à Deo arbitratur, hoc enim, inquit ille, fieri debet potiùs apud Sapientes, qui sunt Deo familiares, & \* θεοφιλες αταί. Itaque cum sanitas in quadam commensuratione, & æqualitate consistat, vbi deficit, remedia eam sufficiunt, remedia voco, quæcunque morbum depellunt. Dicitur verò Deus sublimis, quia Philosophorum sententia primus motor est in tota ea circumferentia, quæ extra orbem est, nam si eum ponas circa extimam circumferentiæ partem, vt pote circa Polos, vt voluit Eudemus, sit, per accidens vt moueatur, cum sit immobilis, non item, si in tota vniuersi circumferentia, quæ tota non mouetur, sed in eodem semper permanet, & in eo est, quod celerrimè mouetur, obsoleuit verò Pythagoricorū opinio, Motorem esse in medio, vnde soliti sunt appellare cœtrum locum Vestæ, & Iouis turrim, &c.

\* Dijs charus, amans Deum.

*Et primùm Persæ, & Græci ea calluerunt, ut vidimus in suis scriptis secretorum Medicinæ, &c.*

Cum mundo natam esse Medicinam, & à Deo emanasse scitum est: Qui verò primi eam calluerint, ignotum, & controuersum. Arist. alibi omnium bonarum artium inuentores appellauit Ægyptios, quos Cœli amœnitas, & soli fertilitas ad rerum contemplationem, & studia excitant. Hic tamen primùm Persas, & Græcos calluisse fatetur, qui verò inter Persas excelluerint, præstiterintque mihi nōdum est compertum. Græci autem Medicinæ originem à suo repetunt Apolline, & Æsculapio, quod nullus, qui in ea prius excelluerit, historiarum fide celebretur.

*Inuentum medicina mentem est, opifexque per orbem*

Ouid.

*Dicor*

Hipp. autem, ego enim, inquit, ad finem medicinæ non perueni, etiamsi senex sim, Neque ipsius inuentor Æsculapius, sed & ipse à seipso in multis dissentit, quemadmodum scriptorum libri nobis tradunt.

*In Epist. ad Democr.*

Hipp. remedia, quæ à prioribus acceperat primus in artem coëgit, & singulis morbis singula remedia accommodauit, propterea non immeritò primus author Medicinæ perhibetur. Apis tamen Ægyptiorum Rex creditur primus medicinæ inuentor, quem propterea Ægyptij in Deorum numerum retulerunt: Æsculapius primus inuenta scriptis tradidit. *Ut vidimus in scriptis, &c.*

*Franciscus Patritius.*

Scientiæ olim tanquam arcana condebantur, aut non nisi sub ænygmate in vulgus efferebantur, indignum enim existimabant vel immeritis, & rudibus pulcherrima quæque innotescere; Exemplo sit illud Platonis ad Dionys.

*In epist. ad Dionys.*

Dicis non satis tibi demonstratam eius, quod primum est, naturam, dicendum est igitur, sed per ænygmata, ut si quid huic tabulæ mari, vel terra acciderit, qui eam legerit non possit intelligere. Sic autem habet. Penes omnium Regem omnia sunt, omnia ipsius gratia, & ipse est omnium bonorum causa. Secundum verò circa secunda, & tertium

*Ænygma eodem brachylogiâ ex*

circa

*plicat Ferne* circa tertia: In qua explicanda sententia mirè æstuant  
*lius lib. 1.* Platonicus, Iamblicus, Proclus, Plotinus, Numenius, Plu-  
*de Abd. re-* tarchus, qua intellecta nil diuinius, nil Christianæ Theo-  
*rum caussis* logiæ magis congruum à natura mortali excogitari po-  
*cap. 10.* test. Utinam nobis præsto esset Caimus plusquam Pla-  
*Innuitrinita* tonicus.  
*tè cæset Ny-*  
*phus.*

- Conueniunt autem isti Persæ, & Græci, quod Homo compo-*  
 2 *situs est ex elementis oppositis, & ex quatuor contrarijs humo-*  
 2 *ribus, qui semper indigent resumentibus, quibus sic caret ho-*  
 2 *mo, corrumpitur eius substantia, et si his superflue utatur, aut*  
 2 *diminute, incurrit agritudines varias, quod si utatur tempe-*  
 2 *rate habebit iuuamen vita, & corporis fortitudinem, & sub-*  
 2 *stantia sue salutem.*

Quod homo ex quatuor elem. constat, sæpius ab eodem  
 Arist. repetitum fuit, quod verò ex quatuor humoribus confi-  
 stat, non constat, si quidem Arist. alibi solo sanguine diuer-  
 sis partibus constituto sanguinea animalia nutriri, & ale-  
 scere, atque adeò componi confessus est (eadem enim sunt  
 nutritionis, & generationis initia) cæteros humores excre-  
 menta vocitasse, palam est. Verumtamen, quomodo con-

*Com. in lib.*  
*Hippocr. de*  
*Structura*  
*Hominis.*

*Calor non*  
*demolitur*  
*propriis hu-*  
*miditates,*  
*ut puta sub-*  
*iectum, quia*  
*nulli acci-*  
*dēs destruit*  
*propriū sub-*  
*iectum, sed*  
*proximas*  
*humidita-*  
*tes, & alie-*  
*nas ab, umit.*

*Qui semper indigent resumentibus.*

Cum calor naturali, atque adeò continua actione agat  
 in suppositas humiditates, quæ sunt veluti pabulum, non  
 est mirum, si in absumptæ substantiæ locum necessariò de-  
 siderentur instaurantia, alioquin corpus flaccidum tabe-  
 sceret. Calor enim duobus modis corrumpitur, extinctio-  
 ne, vel marcore, extinguatur suis contrarijs frigore, vel  
 humore, copia verò suffocatur, marcescit moderato aëris  
 afflatu prohibitus, inopia pabuli, aut maioris ignis præ-  
 sentia. Quare cum calor natiuus non aliter foueatur hu-  
 more primigenico, quàm flamma oleo, & flamma marce-  
 scit, nisi nouum oleum in absorpti locum reponatur, ita  
 vitalis calor tabescit, nisi iactura radicalis alimento re-  
 paretur.

Præterea ut flamma circumfluo aëre nutritur, imò nil est aliud quàm incensus aër, ita aëreo humore, non aqueo natius calor conseruatur, & ut aer flammam circumambiens cedit illi in pabulum, ita succulentus, & alimentarius humor penuriam radicati refarcit.

*bull. Et si his superflue vtatur, &c.*

Cum sanitas sit æqualitas quædam, & mensurata mediocritas, qua nil præstantius, ut ait Plato in Gorgia, ubi excessus quidam, aut defectus subrepunt, è vestigio morbi emergunt. Propterea Hip. Medicinam adiectione, & subtractione definiuit, sanitas enim conseruatur, si, quod superuacuum est, subtrahatur, & adijciatur, quod deficit.

*Lib. de Flat.*

*Vnde oportet se conseruare in cibo, & potu, somno, & vigilia, motu, & quiete, in dissolatione, aut retentione ventris, & subtractione sanguinis, qui vult se conseruare à molestijs ægritudinum, & de his dicam sub congrua breuitate.*

In præsentiarum commemorat sex res, quas Medici vocant nonnaturales, adiaphoras, quia benè videnti bonæ, perperam malæ, in quorum recto, & decenti vsu consistit sanitas: Nam si quis cibis optimis frugaliter, & opportunè fruatur, vino non se repleat, sed tantum ingerat, quod satis sit ad chyli elaborationem, eiusdemque diadosim, si motum, & quietem prout propria exigit natura, & anni conditio, ineat, si quàm par sit, non dormiat, aut vigilet amplius, si aluum nec nimis strictam, nec nimis solutam habeat, si in affectibus modum teneat, (nam passiones omnes, ut est philosophicum axioma, appetitus sensitiui efficiunt in corpore transmutationem) proculdubio sanitas seruabitur. Spectanda tamen cuiusque natura in præscribenda mediocritate, & regio, & anni tempus, alioquin si vno, eodemque calapodio omnes calcearentur, ut paræmia fertur, plurium malorum necessariam consecutionem inferre necessum esset.

*Conueniunt autem omnes, quòd ille, qui vtitur his temperatè habeat longitudinem dierum, & bonam valetudinem.*

*Nam*

Nam dicunt Philosophi, quod omnia delectabilia huius mundi, siue delitia, siue diuitia, aut honores appetunt durabilitatem: Qui igitur vult durare, audiat haec, qua facient ad vitam conseruandam, & renuncient desiderio propria voluntatis, &c.

*In Epid.* Mensura omnium optima, vt est pythagoricum illud. Hinc Hipp. motus, quies, cibus, potus, somnus, venus, omnia mediocria. Quare qui mediocritatem adhibet, is sanitatem sartam, tectamque tuetur, & ea de caussa temperantiae comitem Plato adiunxit fortitudinem, quia qui temperanter viuunt, sanitati consulit suae, atque adeo vitae producendae, nam etsi eadem prorsus vitae, & sanitatis principia non sint, mutuis tamen stant auxilijs.

*Nam dicunt Philosophi, &c.*

Quidquid est, permanere desiderat, hoc autem est argumento, quod resistit corruptenti; non modò igitur qui voluptatibus & deliciis delibuti sunt, diligunt esse, & permanere, sed quidquid naturam constat, tametsi qui Summani tyrannidi perpetuae subijciuntur manes, efficitimque plectuntur, fortassis non esse concupiscunt, vt quidam transmundani Philosophi constituunt.

*Et renuncient desiderio, &c.*

Prudenter Pythagoraei, si animus motiones singulas tum sui, tum corporis moderetur perpetuam vtriusque sanitatem, & diurnam vitam corpori pollicentur, quod sanè plerisque sapientibus, sanctisque viris accidisse testatù est.

Primò itaque euitet crapulas, & non ponat cibum super alium indigestum: Vnde dicit Hippocrates, esse comedendum, vt viuamus, non viuere, vt comedamus, quia alimentum propter durabilitatem querendum est, non durabilitas propter alimentum, &c.

Nil peraequè perniciosum esse humanae naturae, atque cruditas, quam crapulae pariunt, satis compertum est. Hinc Celsus, obseruatum est, inquit, nationes voraces esse breuioris vitae, ea autem est ratio, quoniam necessum est excremen-



9  
mentorū prouentum succrescere, quæcunq; verò excre-  
mentis scatent, quum sint contraria, ocyssimè corrupti  
oportet. Hinc Arist. lib. de longit. & breuitate vitæ: Præ-  
terea oportet, inquit, vt quod haud facilè corruptibile sit,  
nequaquam excrementis abundet, quod enim tale est, aut  
vi morbi, aut suapte natura interimitur, nam excremento-  
rum virtus, atque facultas vicem subit contrarij, atque in-  
terdum naturam ipsam, interdum partem corrumpit. Quod  
autem subiicitur tamquam diæterium, & apophlegma ha-  
bendum, emanauit autem à Socrate primùm, vt puto. *Bea-  
ta terra, inquit Ecclesiastes, cuius Rex nobilis est, & cuius  
Principes vescuntur in tempore suo ad reficiendum, non ad  
luxuriam.*

*Ego multos noui abstinentes in cibo, & potu, & sanissimi  
corporis, & longæuos, & bonarum operationum, vt vidi in  
Arabia. Vnde, summa sanitas consistit in abstinentia à ni-  
mia comestione, & quandoque superfluitates purgare, nam  
Hipp. ponit conseruationem sanitatis in duobus pluraliter,  
in vsu temperato ciborum congruentium ætati, regioni, & con-  
suetudini, similiter potuum, secundo, quòd purgatio fiat  
eius, quod est superfluum in humoribus.*

Comprobat exemplo Arabum quorundam, quos fruga-  
liter viuentes sanos, & longæuos obseruauerat, & benè mu-  
nera sua tractantes. Narrat Xenofontes in institutione  
Cyri, vsque a deò frugaliter viuere consueuisse Persas, vt ne  
spuere quidem viderentur, quòd si quis intemperantiæ  
caussa crebra spuitione sordesceret, velut infamis despue-  
batur, & declinabatur. Tria, inquit Hieremias Triuerus  
ex Hipp. sunt ex maximè salubribus, vesci citrà saturitatem,  
impigrum esse ad laborem, & genitale sperma referuare.  
Concludit igitur totius sanitatis tuendæ rationem super  
eo cardine verti, vt ne nimio cibo ingurgitentur corpora, &  
si quid superuacuum est, foras exturbetur, id quod Hippo-  
cratis auctoritate probat, qui scripsit, sanitatem potissimùm  
consistere in vsu ciborum congruentium ætati, regioni, &

Com. in lib.  
1. Celsi.

consuetudini, deinde in euacuatione superuacuum excrementorum.

*Et scias à Alex., quod corpora humana, quæ sunt receptacula ciborum, & potuum resoluuntur, & diminuuntur tam ipsa corpora recipientia, quàm recepta alimenta: Resoluuntur in primis ab ipso calore naturali exsiccante humiditates corporis, & calor nutritur humiditate illa. Resoluuntur præterea per calorem Solis, & venti, qui desiccant humiditates omnium corporum, & pascuntur humiditate iam corporum, quàm fluminum, &c.*

Duabus præcipuè affectionibus esse obnoxia humana corpora, congenitæ nimirum humiditatis putrefactioni, & difflationi, iam pridem à Galeno, & Auic. proditum fuit, & quemadmodum exsiccatio, & difflatio congenitæ humiditatis tum à calore intrinseco, tum extrinseco promouetur, ita putrefactio ab extrario duntaxat excitatur, est enim putredo affectio à calore externo in humido intrinseco. Quod verò calor Solis, & venti afflicet corpora, satis compertum est, calor enim humidum absorbendo corpora sicca dimittit, venti præterea cum ex calida, siccaque exhalatione consistent, imò nil sint aliud, quàm in obliquum permota exhalatio, vi propria siccandi pollent. Ventum sic graphicè descripsit Sturmius.

*Lib. de phil.  
nat. theore-  
mat.*

*Ventus Hip-  
pocrati lib.  
de Flat. est  
Aëris fluës  
vnda.*

*Est ventus calida, & sicca exhalatio flammam*

*Aegrè concipiens, terris educta, deorsum*

*Aëris à medio regionis frigore pulsa,*

*Quæ circa terram celeri in latus impete fertur.*

*Quando ergo corpus est calidum vaporabile valent grossa cibaria, &c.*

Calidis corporibus, quæ raro corporis habitu prædita sunt, præscribit alimonias crassiores, & rectè sanè, calor enim validus obiectū desiderat proportionè respōdēs, alioquin torrefaceret leues cibos. Accedit, huiusmodi corpora solidis alimētis melius nutriri, & nō vsque ad eò diffilari: Agri colæ si offeras auiculas, aut Perdices, affici se sentiet

*Quando corpus est depressum, & siccum, valent subsidia cibaria, &c.*

Depressa corpora vocat macilenta, & strigosa; Qui igitur compacto, siccoque, & gracilento habitu præditi sunt, desiderant tenues cibos, nam cum huiusmodi corpora meatus habeant coniuventes, & minutulos, ni tenuis substantiæ sint alimenta, quoquò versùs distribui, digerique nequeunt.

*Certum igitur documentum in conseruanda sanitate est, quòd homo utatur tali conuenientia in cibo, & potu sua complexionì, ad eò, vt calido conueniat calida temperatè, frigido frigida temperata, idem dico de humidis, & siccis corporibus.*

Hoc est præceptum præ foribus Medicinæ affixum, & alta mente tenendum, nam vnumquodque simili conseruatur, contrario destruitur, proin calida corpora, id est corpora, in quorum mixtione præpollet calor, calidis alimentis nutrienda, frigida frigidis, vt prior naturæ tenor conseruetur, aduertendum tamen, vt tum calida, tum frigida parum abscedant à mediocritate, ne immodesti similis accessu fiat excessus:

*Quòd si contingat calorem corporis augeri, & inflammari ab aliqua causa præternaturali, vt à cibo calido, vtendum est contrarijs, scilicet frigidis, & è contrario, &c.*

Hygines duæ sunt partes, quarum altera moderato vsu similium sanitatem qualemcumque seruat, altera excessus temperamenti congrua contrariorum administratione corrigit; proinde subdidit, si corpus incalescat ab aliqua præternaturali causa, adhuc tamen contineatur intra limites sanitatis, adhibenda esse frigida, quæ caloris excessum obtundant, & ad mediocritatem reducant.

*Habenti autem bonum stomachum, & fortem in digerendo, laudo cibaria fortia, & crassa, quia talis stomachus est veluti ignis validus potens multa comburere. Quòd si stomachus fuerit debilis, & frigidus, laudo, utatur cibus sub-*

vilibus, & leuibus, quia talis comparatur igni comburenti  
cannas, & alia subtilia, &c.

Ni cibus analogus sit calori concoquenti non rectè con-  
ficitur chylōsis, nam si calidiori stomacho offeras leuia ali-  
menta, assabit, non elixabit, & vtenstali alimento nidoro-  
sos percipiet ructus. Hinc iure subdidit, ventriculo cali-  
diori alimonias fortes (robustas vocat Hipp.) h.e. copiosi  
nutritus, & crassas, h.e. solidæ substantiæ esse exhibendas,  
talis enim stomachus comparatur igni copioso, qui deside-  
rat ligna crassiora, & copiosa. Quòd si stomachus fuerit  
frigidus, atque admodò debilis non amplius solida alimenta,  
& crassa, sed liquida, & tenuis substantiæ, vt facilè huius-  
modi cibos peruadere, & conficere possit.

Debes igitur à Alex. omnia hac considerare, si desideras  
sanitatem inte permanere. Sed magis distinctè nunc dicam,  
quòd debet fieri abs te pro sanitatis conseruatione, & hac quæ  
referam, reuelauit mihi Sacerdos Apollinis, qui habuerat om-  
nia scripta Aesculapij, & Machaonis.

Pòllicetur Alexandro, se magis appositè, & particulatim  
præcepta traditurum, quæ ab Aesculapij, & Machaonis  
scriptis decerpta didicerat. Aesculapius enim fuit primus,  
qui apud Graiugenas de re medicâ concriserat, etsi non-  
dum præcepta sub artem redacta fuerant; Vt igitur maio-  
rem fidem adhibeat dictis, Aesculapium, qui summo in pre-  
tito, & honore habebatur, authorem facit. Machaon verò

Dyctis Cre-  
tensis Hist.  
de Bello Tro-  
iano.

Tracensis fuit alter Aesculapij filius, qui bello Troiano in-  
terfuit triginta Nauium classe stipatus, quique in Equi-  
Troiani aluè vnà cum reliquis delituit heroibus, vt testa-  
tur Dyctis Cretensis.

Debes Alex. cum ex somno excitatus fueris, tua membra  
equaliter extendere, & cum surrexeris modicum deambula-  
re; nam corpus corroboratur extensione membrorum, & exci-  
tatione caloris naturalis, &c.

Præcipit in primis, vt à somno excitatus membra a qua-  
liter extendat, sic enim fumida excrementa quadamtenus

aman-

amandantur, subinde, vbi surrexerit, vt modicum obambulet, per exercitium enim suscitato calore collecta per soporem, & quietem excrementa extenuantur, & reclusis meatibus expelluntur foras, atque ideo membra roborantur, auctus enim calor robur, & vires auget, dummodò limites non excedat. Hinc Hipp. dicebat, laborem esse articulis, & carnibus cibum, nam vt cibus instaurat corpus, ita labor excitato calore articulos, & membra reficit, & confirmat, nam, si quies tabefacit, teste Platone, firmet labor, oportet.

*Postea caput tuum pectina, vt aperiantur porositates capitis, & vapores eleuati in somno habeant exitum, &c.*

Secundum præceptum est, vt postquam per pandiculationem vniuersa membra coëxtenderit, & modicum obambulauerit intra cubiculi longitudinem, caput depectat, vt apertis poris vapores excludantur, nam per somnum refrigerato capite inferiora calefcunt, vt igitur calor excitetur, & vapores exturbentur, pectendum caput, sed hac adhibita cura, vt radijs primùm rarioribus ducto in inion pectine, tum densioribus caput exerceatur, & capillitium colatur. Aduertendum tamen nihil prius esse molendum, quàm alui, & vesicæ excrementa deposita fuerint, quod ceu notissimum omisit Author.

*In Aestate laua vultum, & manus cum aqua frigida, quia stringit, & claudit calorem, sic etiam excitatur desiderium comedendi, &c.*

Tertium præceptum est, vt aestate manus, & faciem frigida colluat, ne calor diffletur, mirum enim in modum calorem intro colligit frigida manibus, & ori insperfa, collectus autem ad interiora calor excrementa, & cruditates digerit, & appetentiam ideo excitat.

*Deinde induc te vestibus optimis, & pulcherrimo indumento, quia spiritus tui gaudebunt, & animus delectabitur, & tua vita reddetur splendidior.*

Quartū præceptum est, vt pictis, & pulcherrimis phrygio opere indumentis amictus ambulet, quod corporis ornamenta

*Libro de Regem. Principi ad Alex.* namenta spiritus excitando animum exhilarent; quod & alibi præscriptum fuisse scimus. Accedit, cultum, & ornatum viro decorem, & authoritatem comparare. *Ami-*

*Salomon.* *ctus, & incessus indicant de homine.*

*Et antequam exeat utaris bono odore, & unguento ad confortandos spiritus, &c.*

*Lib. de vin. cordis.* Nil peraquè nostros spiritus recreat, atque gratissimus odor, quo sensu scripsit Arist. odorem esse animæ cibum. Hinc Auic. aromatica, inquit, magis sunt congrua nutrimento spiritus. Quantum verò apud veteres ea consuetudo inualuerit, ut unguentis uterentur odoris, Myropolæ, & myrobrechij frequentiores facillè demonstrant, quare nihil est magis testatum, & protritum apud latinum Hippocratem, & Athenæum.

*Et sicces dentes, & gingivas cum cortice ligni calidi, & sicci amari saporis, sic enim iuuantur dentes, & oris visium liquefit, & clarificatur locutio.*

Quia circa dentes lentor quidam colligitur, & in os pituita liquatur, quæ tum malum odorem, tum locutionem præpeditam parit præcipit, ut præmandat aliquid quod calidi, sicci que sit temperamenti, & amari saporis. Calidum quidem præscribit, quia dentes frigidis offenduntur, siccum verò, ut siccet, & absumat lentorem, amara verò, ut detergeant. Tale autem fuerit Rheon ponticum, quod Centaurij maioris radix est, mastiches grana, nux myristica, zinziberis conditi frustulum; sed instar omnium erit Rheon barbaricum, Agariciue momentum. Auic. comendat Democriti Dentifricium.

*Lib. 5. sum. 2. tr. 4.*

*Conueniunt etiam suffitus ex bonis odoribus, sic enim aperiuntur meatus cerebri, & resoluuntur humiditates, tardatur canities, & sensus redduntur viuaciores, &c.*

Suffitus aromatum ex Hipp. Solet capitis grauitatem afferre, quòd si odor non fuerit impendiò affectatus siccando cerebrum (odor enim ex calida, siccaque exhalatione resurgit) meatus recludet, & liquabit humida capitis excre-

menta,

menta, quibus resolutis canities retardabitur, ex situ enim, & pituitæ putredine canities effici consuevit; qua ratione quarunt Philosophi, cur Homerus homines à canitie temporum *πρωλοκροταφους* id est canos appellauit? Respondent, quia ut plurimum inde cani incipiunt, quia priora capitis humiditatis, pituitatisque plus habent, quam posteriora. Cæterum absumpta humiditate sensus fiunt viuiores, quia humor cum sentiendi, tum intelligendi vim obtundit. Hinc illud, tantum quemque stoliditatis habere, quantum humiditatis.

*Postea accipito ex ligno Aloes, vel Rhabbarbo denarios quatuor, hoc enim subtrahit phlegma ex ore stomachi, excitat calorem corporis, fugat ventositatem, vultum clarificat, & bonum reddit odorem.*

Prima coctio fit in ventriculo, qui si pituitoso excremento scateat, necessum est, ut suo supersedeat officio, atqui cum vitium primæ coctionis secunda non emendet, superest, ut omni studio ad pensum reuocetur ventriculus tum calefaciendo, tum purgando vitiosum humorem, nam ita fiet, ut optimo sanguine genito facies florido colore nitescat, & prædominante sanguine sapor optimus in os redundet: præterea suscitato calore, flatus, siqui subsint, dissipentur. Hæc autem beneficia nobis præstat Rheon, aut Aloè, sic enim calefiat ventriculus, & flatus discutientur, & phlegma ab ore ventriculi detrahetur, vtrunque enim præstat Rhabbarbarum, siue Aloè, dummodò non lignum; Sed concretus succus Aloes adhibeatur non ad denarios quatuor, sed ad vnum denarium, nam denarius romanus paulò est grauior drachma, adeò ut septem denarii vnciam constituant, Galenus tamen, & Plinius dum Latina, aut Græca transferunt denarium drachma, & drachmam denario reddiderunt. Optimus igitur in os succedet sapor, quia nullo in ventriculo stabulante excremento, organum, nempe spongiosa linguæ caro nullo extraneo sapore inficietur, redundans enim in stomacho pituita, aut bilis

saporem

saporem suum linguæ communicat per communem tuni-  
cam. Non modò verò exundantem in ventriculo humo-  
rem arguit linguæ sapor, verùm etiam in venis exuperan-  
tem. Hinc rectè Hipp. scripsit, *Lingua docet lotium*. Qua  
de re doctissimè egit diuinus senex Sanctorius. Caterùm  
mirabitur fortasse quispiam quia Rheon, & Aloë bonum  
reddant saporem, quùm sint amarissima, optimus autem  
sapor, qui organum titillat, & oblectat, non qui demolitur,  
& corrumpit; vt autem dulcor iuuat, sic perstringit ama-  
ror, & nocet. Respondendum, hoc fieri steriticòs repur-  
gata bile, aut pituita, quæ præsens, è stomacho redundat  
in linguam, & organum ipsum afficit.

*Deinde sede cum nobilibus, cum sapientibus loquere, &  
secundùm usum tuum age, quod decet.*

Peractis iam naturæ, & corpori necessarijs vacandum est  
animo: Proinde sedere iubet cum nobilibus genere, & vir-  
tute, qui suauis, & iucundos mores possident, vnumquod-  
que enim se gerit, vt est: Cum sapientibus loqui, quia sa-  
pientiæ pars, acquiritur per consuetudinem cum sapienti-  
bus, rectè enim Euripides scripsit, Tyrannos consuetudine  
sapientum sapere. Cum ijs, ait Seneca, semper versari de-  
bemus, à quibus meliores fieri possumus. *Et secundùm  
usum, &c.*

Quamquam Beda scriptum reliquit, Græcam historiam  
narrasse, Alex. potentissimum Regem, orbis dominatorem  
cum moribus, & incessu Leonidæ Pædagogi sui non po-  
tuisse carere vitijs, quibus adhuc Puer imbutus fuerat, hic  
tamen Author eum benè moratum, & benè se, & regiæ  
Maiestati conuenienter gessisse inquit.

*At cum voluntas fuerit comedendi iuxta horam tuæ con-  
suetudinis, utere modico labore corporis aut equitando, aut  
ambulando, vel quicquam aliud faciendo, nam hoc corpus  
allenat, & corroborat, & calorem excitat, & liquescit su-  
perfluos humores, & pblegma facit descendere de fundo sto-  
machi.*



8 Duo præcepta tradit obseruanda prius, quàm pastum  
ineat, primò, vt iuxtà horam suæ consuetudinis cibum su-  
mat, deinde vt se exerceat ante pastum. Seruandam esse  
consuetudinem, vberius in superiore de sanitate seruanda  
libello, monstrauius, alioquin prauis humoribus reple-  
tur stomachus, os amarescit, imbecillitas virium corripit,  
tremor, animi defectus, vertigo, iracundia, mœror; Quòd  
si tempus occupes, imperfecto superiore cibo cruditates  
eumulantur. Quanta verò beneficia proueniant ex gym-  
nasio ante pastum inito, iam ediximus. Quare suscitato  
calore reliquum est, vt non modò excrementa dissipentur,  
sed naturales functiones plenissimè obeantur.

*Lib. de incō  
lunitate diu  
seruanda.*

*Postea vade ad sumendum cibum, & caue à diuersitate  
ciborum in eadem mensa.*

1. Quanti sit momenti ciborum diuersitas ad sanitatem  
turbandam, docuit Hipp., & reliqua Medicorum turba,  
proin præcauenda, quàm fieri potest maximè, nam con-  
fusionem generat in ventriculo, vt aliàs notauimus.

*Et quæ magis desideras, &c.*

Cibus enim deterior, suauior autem, melioribus qui-  
dem, sed in suauioribus est præferendus, quia ventriculus  
cibum suauem arctius complectitur.

*Et panis tuus sit benè fermentatus, & bonis conditio-  
nibus præditus, &c.*

Panis esse debet zimes, i. cum fermento confectus, alio-  
quin obstructions pareret, & difficiliùs coqueretur, fer-  
mentum enim est calidi, sicciq; temperamenti, & te-  
nuium partium, vt docet Galenus, adèò vt Brudus Lusit-  
anus lib. 3. de ratione victus ausus sit syrupum concin-  
nare ex fermento ad expediendas contumaces hepatis  
obstructiones. Sciendum tamen, non esse impendiò, &  
assatim iniiciendum fermentum, quia eius acor neruis, &  
cerebro non est innoxius. Ad hoc panis sit depsticus, non  
admodum salitus, quòd sal graue sit, & molestum ca-

*Cap. 31.*

C piti.

i. Lib. de  
Alim. c. 2.

piti. Dein nec citò, nec nimium discoctus, quia cruda, & incocta interiora habet, ambusta verò, & crustacea exteriora, ignis enim vis in totum panem peruadere non potest, ideoque intimas particulas incoctas relinquit. Propterea Galenus ait, eum esse deterrimum panem censendum, & ventriculo inimicum, qui in crustaceis admodum aduritur, in intimis verò incoctus relinquitur. Postremum panis sit recens, & in usum cedat vno post confectionem die, nam panis recentissimus, & calidus non est naturæ amicus, ait Auic. sitim excitat, & in stomacho supernatat propter suam vapidam humiditatem cerebro noxiam. Præterea ex similagine fiat ex optimo tritico.

Hipp. lib. 1. de Ratione victus panem recentem comestum repletionem repentinam, & sitim inducere, & tarde ex ventre descendere, & corpus flatibus distendere auctor est: Vnde Auenzoar panem esse edendum à recenti coctura cum calor deferbuit, docet, nam qui ultra vnam diem seruetur, temperamentum suum perdit. Igitur, inquit Nonius, pridiano melior est recens, nam teste Simeone Serhi postquam frigefacti sunt neque probè concoquuntur, neque boni sunt. Quod tamen sano modo audiendam est, nam & pridianus, & paulo etiam vetustior, ni admodum inueterarit, bonus est.

*Quod si accidat, te solum sumere mollia præmitte aliquid durum retinens in fundo stomachi.*

Alioquin cibus citò præterlabens perfectam coctionem anteuertet, omnis enim actio naturæ certo quodam tempore absoluitur, quare consultò præscripsit, ut aliquid præmittatur solidum, quod veluti remeligo, & obex lapsum cohibeat.

*Vnde profunditas stomachi calidior est, ac fortior, quia in parte ea partes sunt carnosæ, & est vicina hepatis, cuius calore cibi decoquuntur.*

Dux sunt partes ventriculi, vna superior, inferior altera,

tēra, illa stomachus propriè nūcupatur, & naturalis appetentiæ organum, inferior coctioni dicata est, & licet chylolysis perficiatur à virtute interiori tunicæ infita, certum tamen est, hanc functionem iuari à propria partis temperie, & à calore tum infito, tum circumstātium partium, ventriculi verò pars inferior calidior est, quia est carnosior, & iecori propinquior. Quærent Philosophi cur istium difficile coquatur? Respondent, quia humido pabulo intra aluum innatat, neque demergitur in fundum, vbi cibus conficitur.

*Et in comestione debes regere manum à Alex. id est cessare à comestione, dum adhuc voluntas, seu desiderium affuerit comedendi.*

Nam calor naturalis in obiectum minutius agens, facile illud subigit, & superat, cum minùs resistat propter minorem virtutem, in maiori enim quanto, vt est Philosophorum proloquium, maior virtus est. Loquimur autem de quantitate per formam definita, & terminata, quantitas enim indefinita materiam sequitur, quæ omnis expers est energiæ.

*Quia ex superfluitate cibi angustatur stomachus, grauatur corpus, læditur anima.*

Haec de causa non explenda est appetentia ciborū, quia ex nimia ingurgitatione angustijs, & fastidijs premitur stomachus, corpus grauatur, & mens etiam læditur, quæ causa rectè scripsit Persius, vetriculum dare intellectum: Quia si ventriculus non afficiatur à ciborum copia, sensus integri manent, quibus inoffensis mens ritè munera sua obit, opus enim habet phantasia vt comite, asseclaque eius indiuidua, quæ perpetuò visa administret.

*Et retine animam tuam à potu aquæ super cibum, donec in consuetudinem tibi veniat, quia tali potu stomachus in frigidatur, & læditur calor digerens mirabiliter, quo nihil deterius cordi.*

Quæ consueta, & si fuerint deteriora infuetis minus molesta esse solent, quia consuetudo, quæ est altera natura, aduersus omnem iniuriam nos communit. Quærent Philosophi, cur cum nuda facie, reliquo amictu corpore simus, in maximo tamen frigore reliquo corpore rigemus, facie minimè? Respondent consuetudine id fieri, affluefcit enim facies aëri tolerando, maximè verò consuetudo nos aduersus omnes affectus communit. Rectè igitur mandat, ne assumpto cibo, aquam ingerat, ni præcesserit consuetudo, quia stomachus refrigeratur, & auctor digestionis calor læditur, quo nil deterius cordi, quod est fons caloris, nam etsi aqua primò noxam stomacho inferat, qui primos impetus, & conatus sustinet, sensim tamen iniuria frigoris cor pertradit, & viuificum calorem debilitat, & instar nubis obumbrat.

*Si autem fuerit necessum, vt aqua sumatur, vel propter calorem aeris, aut stomachi, aut ciborum, sit modica, & benè frigida.*

Mandat Celsus, vt frigida cibus includatur, vbi ventriculus fuerit imbecillior, nam frigus colligit calorem, quo subinde elaboratior fit concoctio, cautiôr sit tamen frigida vsurpatio aliqua de causa, quam commemorat author. Aduertendum interim, vt aqua sit benè frigida, & modice cella, vt per viam antiperistalsicos calor stomachi augeatur. Idem faciendum esse iubet. Author noster, vbi ventriculus aestuauerit. Docent Philosophi, vbi infrigidanda sit aqua, tepidam esse infundendam, quia ratione oppositæ qualitatis augetur interna frigiditas. Per febres, vbi opus est frigida, agonisticus haustus offertur.

*Cumque refectus fueris, illinc ad spatium incede super stramentum molle, temperatè dormi. Requiesce vna hora super latus dextrum, deinde te reuolue ad sinistrum, & ibi comple somnum, nam latus sinistrum frigidum est, & opus habet calfactione,*

Post prandium stabis, post coenam ambulabis, vetus est proverbiū, ambulare verò oportet per loca amēna, vt animus recreetur, & vt cibus per exercitiū mediocre in fundum stomachi descendat, vbi conficitur plenissimè, & subinde dormire oportet in latus dextrum primū inclinato corpore, quia hinc motus principium, vt docetur 2. de coelo, qua ratione in problem. monet, vt, quando ineunda est quies, in dextrū latus incumbamus. Postremū reclinandū est corpus in sinistrum latus, quod est etiam Auic. præceptum, sic enim stomacho incumbit iecur, & illam calcificat, & coctionem meliorem efficit.

*Si verò sentiret in ventre grauedinem, & in stomacha torsionem, tunc remediū est ponere super ventrem, & stomachum camisam calidam, vel amplecti.*

Si in ventre tædia, & grauedines fiant ex cruditate, ac nimia repletionē, fastidia ventris submouent, quæ calorem ventriculi fouent, & augent, nam ille vnicus est naturæ dæmiurgus, huiusmodi verò sunt subuicula, aut culcitra ventri admoda, aut certè. Cuius consilij auctor etiam Auic. est, calor enim est officialis causa, quæ ab anima vim recipit agendi, hoc enim significare volunt Philosophi, vbi dicunt instrumentum moueri à primaria causa.

*Si verò eructuationem sentiret acerbam signum est frigiditatis stomachi, cuius rei medicina est sumere aquam calidam cum Syr. acetoso, & vomere. quia incarcerationi cibi corrupti in ventre est calidi ventris destructio &c.*

Ructus acidus signum est imperfectæ coctionis, tamen si Hipp. post longam intestinorum leuitatem bonum esse dixit, quia significat naturam aggredi iam cōcoctionem. Porro aciditas soboles est frigiditatis, aut imminutæ caliditatis, quamquam falso à calore prouenire ratus est Alex. quem protegere cupiens Rhōis filius, sic barbarè loquitur. Et debes scire, quod hoc accidens, nempe aciditas in ventre prouenit sicut accidens, quod fit ex vino, quod acescit propter aërem calidum, & appa-

ret,

ret, vt sit vna actio accidentalis, quæ substantialiter fit à substantiali, & accidentaliter à contrario, sicut in pluribus inuestigari potest, & inueniri. Paucis ita ille rem se habere ducit animo, vt aciditas per se fiat à frigido, ex euentu à calido. Porro aut melancholia, aut præter naturam pituita acido sapore prædita esse solet, proin ex alterutris humoris præsentia ructum acidum proficisci, argumento est, atque ideo rectissimè præscribitur vomitus ex syrupo acetato, aut aceto mulso ad extergendam, exturbandamque pituitatem, quæ in stomacho stabulari consuevit, nam si huiusmodi excrementa relinquuntur in stomacho, præsentia qualitatem frigidam stomacho imprimunt, & ita insitum calorem destruant; quo labefactato malum ventriculo redit in orbem.

*Et motus ante prandium calorem stomachi excitat, sed post prandium diu noxius est, quia tunc descendit cibus indectus ad partes inferiores, & inde fiunt inclusiones, & multa mala. &c.*

Lib. de san-  
diu conser-  
uanda. cap.  
de motu, &  
quiete, &c.

Quantis cumulentur beneficijs humana corpora per exercitium, iam ediximus, hoc tamen debet esse naturæ, tempori, & regioni accommodatum, propterea subdidit matutinum exercitium stomachum calfacere, quia excitatur calor in vniuerso corpore, qui reclusis meatibus excrementa dissipat: Quod si exercitium à prandio ineatur, cibum rapit in venas adhuc crudum, & indigestum, & hinc fiunt conclusiones, h. e. oppilationes, quæ sunt causæ febrium, & multorum malorum. opportunè igitur inuendendum est exercitium, de quo Galenus lib. de Euchymia.

*Si vitam à morbis tutam traducere velis*

*Excolito per aprica tuos mediocriter artus,*

*Si supra, calidi succrescent corpore succi;*

*Si moueas infraue modum, sine sue decentes,*

*Frigidus humorum sensim turgescet aceruus.*

*Et ita*

*Ea autem quæ impingunt corpus à Alexander sunt quies, & saturitas, & esus ciborum dulcium, & diuersorum, potatio lactis, & vini dulcis, ac dormitio super stramenta mollia referta odoribus, & ingressus balnearum dulcium aquarum, & ibi sessio modica, ne longior mora corpus debilitet, &c.*

Quæ corpus obesum reddunt, prius recensuimus ex Celfo: Obesitas is causæ partim externæ sunt, partim internæ: Internæ sunt, robur carnosæ generis, vt multum attrahat, nimia sanguinis copia, aut oleosæ materiæ vbertas; venarum angustia, quia cum non multa sanguinis congeries fieri possit, reliquum est, vt extra venas trudatur; habitus frigidus, & humidus, quoniam in co-oleosa materia, & sanguis abundat, & humiditates non resoluuntur. Inter externas octo connumerat Hipp. quibus impinguntur corpora.

Primum inter delicias æquo, lætoque animo ferari, facilem, & promissum inire soporem, molli decumbere lecto, deinde abdomini suo Cereris, & liberi vsu liberiore vacare, pulchro, pictoque amictu ornatum incedere, semper insidere equo, postremum per summam animi securitatem res vniuersas suo more gerere, spectareque ludos, & iocis animum excolere. Quæ cuncta hoc disticho comprehenduntur.

*Gaudia lenta, thorus, Cereris, vel copia Bacchi,*

*Mens secura, quies, ὑπνος, obolla, iocus.*

Quies igitur impingat, quia per quietem minimum substantiæ dissipatur. Vrsi tota hyeme in latibulis delitescunt pinguescunt. Saturitas idem efficit, quod plurimum substantiæ sufficitur in dissipatæ locum. Esus vero dulcium ciborum faginat, quia plurimum nutriunt. Diuersitas ciborum tametsi ab Authore retrò, & ab Hipp. etiam damnatur, quia tamen omnia inuicem confunduntur, & diuersa temperie sunt prædita diuersis corporis partibus fiunt nutriendis analogæ, propterea diuersitas

cibo-

Celsus lib.  
I. cap. 11.  
Gal. 7. met.  
cap. 6. & 6.  
de Sanitat.  
Tuenda, &  
5. de san. t.  
Auic. in 7.  
4. tract. 4.  
cap. 1.

ciborum facit ad impinguationem. Potatio lactis etiam huc spectat, quia lac est temperatum, & citò in sanguinem pinguem facessit, & plurimum nutrit. Vinum etiam, cum multum, & confertim nutriat, & præterea alimentum quoquoersum deferat plurimum confert, præfertim si sit dulce, vt Galenus quoque fatetur. Aduertendum tamen, vinum lacti non esse admiscendum, nam, vt monet Auic. hoc esset perniciosum. Audiendus est itaque Author, vt non simul, sed diuersis temporibus vinum, & lac sumpta conducant. Dormitio super stramenta mollia pinguefacit, quia corpus humectatur, & vires reficiuntur, & corporis habitus mollescit.

*Tota mihi dormitur hyems, tum pinguior illo  
Tempore sum, quo me nil nisi somnus alit.*

Cecinit verè apud Martialem Glis. Odores etiam huc faciunt, quia sunt animæ cibis, hæc spiritus recreant, & multiplicant, instaurati verò spiritus citò alimentum in particulas deferunt. Ingressus balnearum, & incolatus non valdè prolongatus prodest, quia calorem attemperat, & moderatur, alimentum ad habitum trahit, poros aperit, & per modicam moram quod attrahitur, non diffatur, per immodicam verò in balnearijs moram corpus flaccescit, quia plurimi spiritus frustra eunt, & tenuis humoris portio euanescit.

*Et temporibus debitis congruè odorem habere, hyeme Alchythimum, astate rosa, aut viola conueniant. Et laudè vsum vomitus in mense semel, & ad hoc facit letari, & gaudere, & habere gloriam, & honorem, & victoriam de inimicis, & sperare, & confidere in sua plebe, ac delectari in lusionibus, & facies pulchras aspicere, & libros delectabiles audire, & legere, & conuersari cum beneuolis. &c.*

Ad corporis pinguitudinem conferunt etiam boni odores, & tempori congruentes, vtpote Alchythimum hyeme est autem Alchythimum herba calida, & odora



æstate viola, aut rosa, & licet odor omnis in fumida quadam exhalatione consistat, quæ calida est, fieri tamen potest, ut præpollent frigida complexio. Adhæc commendatur vomitus, quia lustrat, & repurgat stomachum à cruditatibus, quibus eductis validius suo præsto est officio ventriculus, quo bene circa cibos se habente, necessum est plurimum, eiusque perfecti nutrimenti supeditari. Huc spectant gaudium, & lætitia, lætitia enim sanguinem, & spiritus ad corporis habitum effundit, & dilatat. Hoc autem interest inter gaudium, & lætitiã, quod gaudio exhilaratur quidem animus, non tamen ultra modum ad exteriora diffunditur, ut appareat. Lætitiã verò dicitur, cum ita mouetur animus, ut etiam ad exteriora egrediatur, & maximè in vultu appareat. Hinc perquam critici Stoici dicunt, gaudium in sapientem cadere posse, lætitiã non posse.

*Et habere gloriam, & honorem, & victoriam de inimicis, &c.*

Hinc ortæ omnes animi motiunculæ corporis habitum molliorem, & obesulum reddunt, quia spiritus, & sanguinem extra profundunt. Gloria verò est summa delectatio, in qua conuiescimus. Honor existimationis benefactiũ iudicium. Quantum verò victoria afficiat, docet Arist. qui dimicantem cum Gallo Gallinam pro parta victoria calcaria emisisse, & cristã, & penè degenerasse, ait.

Aristot. in Rept. 9. de Hist. Anim.

*Et facies pulchras aspicere, &c.*

Singuli sensus habent extremum, ad quod referuntur, & quo summè oblectantur, oculi quidem pulchro, aures harmonico, lingua dulci, nares odora exhalatione, vola manus eucrato, & molli. Quare cum aspectus pulcherrimi, & elegantissimi oris mirandum in modum animum titillet, & oblectet, non est mirum si vnà cum animo iucundissimo obiecto obuiam eunti, ut propiùs fruatur, & sanguis, & spiritus foras in habitum corporis diffundantur.

Hoc idem Auic. perrod censet lib. de Almabad. cap. 8.

*Et libros delectabiles audire, & legere, &c.*

Rerum delectabilium lectio animum lætificat, & proinde confert ad corporis bonitatem, quantum enim animæ passiones in corpus redundent, in superiore libro satis monstrauius, nosque docuit Arist.

In Lib. de  
Physion.

*Cum beneuolis versari, &c.*

Quia maligni semper aliquid obijciunt, quod percellat animum, præterea insidiosè semper, & inuidenter agunt, nec possunt, quin virus fonticum aliquando euomant. At contrà benigni candidis moribus perpetuò obsequuntur, & Amici ingenio obsecundant.

*Opposita horum macrefaciunt corpus, maxime sollicitari, & metuere, multum laborare, parum comedere, frequenter ire ad Solem, manducare sæpe falsos cibos, dormire super stramenta dura, bibere vinum vetus, multum sanguinem minuere sæpe, & habere cogitationes pessimas, multum balneari, coitus super repletionem, nam talis inducit paralytim, lac, & pisces simul comedere lepram causat, &c.*

Cum enumerasset ea, quæ corpus impinguant, nunc ea recenset, quæ macrefaciunt, Quare cum contrariorum contrariæ sint causæ, emaciabunt corpus contraria ijs, quæ iam ediximus. Propterea sollicitudo, siue cura cum sanguinem circa cor attrahat, corpus extenuat, assiccâdo, eâdem ratione metus. Labor verò, quia humores dissipat, & dissipat calorem, & spiritus. Ieiunium verò, quia corpus alimento defraudatur, quo fit, vt calor in materiam, quæ in pinguedinem conuerti debet, aut iam est conuersa, agat, & permutet in substantiam partis, pinguedo enim cum non viuat, & alias nutriat, non potest esse corporis particula.

Insolatio, quia calorem nostrum adauget, quia assiccât corpora, & humores dissipat. Cibi falsi extenuant, quia vim habent resiccandi. Dormitio super culcitra duras, quia corporis habitum nimis densat. Vinum vetus, quia

debilitat vires, si credimus Hipp., & Auic. dixit, vices potius medicamento valdè exsiccantis, quàm potus subire. Phlebotomia, quia alimentum corpori subtrahit. Cogitare tristitia macrè conficit, quia circa cor incuneatus sanguis colligitur, ex quo calor primùm augetur, qui humores subinde populatur, tum etiam obruitur, rectè enim Chrisippus tristitiam λύπην vocitauit, quod totius hominis solutionem pariat. Accedit, calorem coctionis officinas deserere, quo per cogitationem ad caput collecto fiunt cruditates, propterea dicebat Celsus, ijs, quibus caput est imbecillius, ne cogitationem quidem esse tutam. Frequens balneum, quòd humores digerit in halitus, & corpora distat. Coitus super repletionem, quia præter quàm quòd materia seminis constat ex puriore, & pinguiore sanguinis portione, post repletionem etiam crudum alimentum rapit in venas, quo fit, vt tota massa conspurcetur. Inducit verò paralyfim, quia crudiore sanguine rēdundante nerui remollescunt, vnde paraplegia. Lac, & pisces simul comedere lepram efficit, quia facilè corumpuntur, quibus corruptis sanguis vitiatur, vnde lepra emergit: Est autem lepra cutis affectus cum pruritu, asperitate, & squammis nonnunquam decidentibus, pluresque corporis particulas depascitur. Est gradus ad Elephantiasim, quemadmodum psora ad lepram. Auic. lepram vocat albaram nigram, Celsus impetiginem: Omnes oriuntur ex melancholico succo præassato, & putri, aut ex falsa pituita in atram bilem quam mox degenerante. Nostrates lepram vocant morbum d. Iob.

*Vinum autem tuum à Alexander debet esse natum inter montes, & valles, ruffum parum, & non vinosum, sed clarum in rubedine, factum ex uuis benè maturis, & dulcibus per maturationem, donec in ijs sit fortitudo substantiæ, humiditas corticis, spissitudo palmitum, & granorum, & racemi sint bonæ dulcitudinis, & sapor sit medius inter*

3 acutum, & dulcē, & sœx sit in fundo depressa partibus alijs  
 3 clarescentibus. Ex tali vino sume temperatē iuxta æta-  
 3 tem, & temporis qualitatem, quia confortat stomachum,  
 3 calorem viuificat naturalem, iuuat digestionem, præseruat  
 3 à corruptione, ducit cibum, ac decoquit, & perducit ad om-  
 3 nia membra temperatē, cor latificat, linguam reddit expeditam,  
 3 ac hominem reddit audacem, & expeditum ad a-  
 3 ctiones.

Quale vinum eligi debeat, præclarè describit Author, subinde enumerat beneficia, quæ ab huiusmodi vini potu proueniunt, si moderatè bibatur. Inquit igitur illud in primis præstare, quod exprimitur ex uuis benè maturis, dulcibus, enatis in loco medio inter colles, & valles h. e. in planitie, & aprico agello, quia cliuosæ vuæ pariunt vina nimium potentia, quæ caput promptè feriunt, & validè iecur retorridum efficiunt, at in conuallibus ortæ, quia vix maturescunt, vina ferunt crudiora, & austera, & debilia: vinum præterea ruffi coloris esse debet, clarum, minimè fœculentum, mediij saporis, tale enim vinum ea beneficia profert, quæ pollicetur Author, nempe stomachum roborat, quia temperamentum conseruat, spiritus multiplicat, & partis soliditatem tuetur, ne diffluat: calorem iuuat, & digestionem, quia promptissimè tum alit, & calidum innatum instaurat, tum quoquo versùs alimenta conuehit; Præseruat à corruptione, quia calfaciendi, & siccandi vi pollet, vt docet Hipp. Hinc Cæsaris exercitus peste correptus conualuit, vbi ad regionem feracem vini appulit. Cor latificat, quia calorem auget, & spiritus vitales plurimos parit: linguam reddit expeditam, quia calorem excitat singulis particulis insitum: Hominem audacem efficit, quod calorem ciet, qua causa scripsit Arist. in Probl. bibaces esse fortes. Sciendum tamen audaciam differre à fortitudine, vt docet Plato in Sophista.

3 *Cauctamen Alex. à nimio potu, nam nimius potus vini*

*Oscurat intellectum, lædit cerebrum, & sensus omnes, debilitat virtutem naturalem, & animalem, causat obliuionem, & lædit operationes totius corporis, maximè neruos, & iuncturas, fugat appetitum, accendit choleram, hepar destruit, cordis cruorem denigrat, & sanguinem crassum efficit, & lepram inducit. Vnde dico de vino, sicut Medici de Rhabbaro, quod est anima hepatis, & habet alias vititates, tamen quandoque est venenum illis, qui ultra modum sumunt ex eo, & transcendunt quantitatem debitam, &c.*

Quanta pariat mala vinum immodicè sumptum in superiore libro innuimus ex eodem Arist. in Probl. nunc eadem clarissimè recenset, comparatque vinum Rheo, quod sanè solet esse iccoris anima, sed calidioris hepatis mors est. Ait igitur immodicum vini vsus mentem obtenebrare, quia temulentiam parit, ebrietas verò, ait Isaach, est mentis peruersio ex fumo crasso indigesto effecta, & in cerebri substantiam elato, hinc rationalis animæ lumen extinguitur, & irrationalis feritas succedit. Hac de causa rectè vinum atræ bili comparatur, quæ ad mentis sedem appellens morbos parit insaniam; vtrumque enim est valdè vaporabile, halitusque profert indomitos. Lædit cerebrum, & sensus omnes ob multiugam vaporum sobolem. Debilitat virtutem naturalem, & animalem, quia immodicè sumptum refrigerat, cum non vincatur à calore naturali. Lædit maximè neruos, & articulos; quia excrementa eò conuehit, & quia in neruis euadit acetosum, propterea Podagra dicitur filia Veneris, & Bacchi, vnde Platonius Vates.

*Vt Venus eneruat vires; sic cõpia Bacchi,*

*Et tentat vires, debilitatque pedes.*

Appetentiam fugat, siue quia in stomacho intemperiem parit, siue quia cruditates in ventriculo subesse necessum est, quibus deijcitur actus appetendi: Accendit chole-

choleram, & hepar destruit, quia calorē extraneū ingem-  
nat. Cordis cruorem denigrat, & crassum efficit, quia fan-  
guinē vniuersum adurit, & tenues partes dissipat. Lepram  
inducit, quia bilis atra gignitur ex præusto sanguine.

*Vnde dico de vino, sicut Medici de Rheo, &c.*

Esse cuiusque rei certos modos, quos vltra, citràque  
nequit consistere rectum, & formas naturales certa mole  
gaudere, vt munera sua promant, palam est, alioquin aut  
suprà, aut infrà propriam conditionem actiones edunt,  
quod demonstrat Arist. in Probl. exemplo diadagry-  
dij, & piperis, quorum alterum aluum, alterū vrinam ciet,  
si debita dose sumantur, alioquin peruertitur actio. Quā-  
obrem non est mirum, si quemadmodum congruus Rhe-  
i vsus hepatis pro anima est, ita & vinum moderatè sum-  
ptum, vtrumque verò intemperanter, & intemptiuè v-  
surpatum innumeris incōmodis cumulat, & effectus pro-  
fert insolentes, hepar enim calidum calidis promptè of-  
fenditur.

Quòd hīc Rhabarbari fiat mentio, quod vix innotuit  
Græcis, facile conficiat quispiam, vt huius libelli Author  
non fuerit Arist., sed quispiam ex Arabum familia, vt  
puta Isaach.

*Quod vinum etiam comparatur naturæ serpentum, ex  
quibus antidotum conficitur, & lésiones maxima per eorum  
medicinam expelluntur, attamen omnibus notum est, quod  
venena mortem in se gerant.*

Diuerfos effectus enumerans Petrus Apponus in Pro-  
blem. quos parit vinum, theriace comparauit, quæ innu-  
meris pollet facultatibus, huiusque collationis veteres  
authores facit, inter quos fortassis & noster Author cen-  
seri potest, (quamquam huius comparationis Author à  
Ficino perhibetur Isaach:) Nam quemadmodum The-  
riacè mediam habet naturam inter venena, & alimenta  
(medium hīc audio per analogiam, non per extremorum

Lib. 2. de Vi  
ta longa ca.  
8.

par-

participationem, quæ eidem subsunt generi,) & ritè adhibita plurimas, easque insignes vtilitates producit, perperam, & importunè vsurpata instar est veneni, nam cum habeat formam summæ energiæ, corpus immodicè afficit, & hac de causa Theriaces vsu Pueris interdixit Galenus; ita porro & vinum, quod si modestè humanos cedat in vsus, plurifariam conducit, sin minus, eas affert calamitates, quas inuimus.

*Vina autem, quorum racemi sunt in monte nati expositi soli, sunt siccioris natura, quàm id, quod nascitur in plano in locis madidis, & umbrosis. Primum vinum valet senibus, & hominibus abundantibus humiditate, & phlegmate, nocet verò iuuenibus, & calidis hominibus, quare calfacit, & liberat à superfluitatibus. Quare Alex. caueto à tali vino, quia nimis te incenderet ad iram, & hepar inflammaret, &c.*

Pro conditione soli vina varias vires indipisci, quotannis experiuntur foelicissimi Acedicolæ, quibus præ cæteris Liber thiafos expertus fauisse videtur, nã vina ex vuis in apricis collibus collectis expressa validiùs caput feriunt, & totum calfaciunt, præcipuè iecur, & temulentam turpitudinem proferunt, quæ autem in planicie enascuntur, sunt imbecilliora vina, nec adeò afficiunt, quoniam, vt ait Platonicus Vates

*Acedum anotria Telus obuini bonitatem.*

*denique apricos.*

*Bacchus amat colles, Aquilonem, & frigora Taxi.*  
 Quocirca scitè mandat, ne vina ex collibus oriunda propinentur iuuenibus, sed senibus, & phlegmaticis, quæ autem in planicie fiunt, iuuenibus offerantur, quia illa valde calfaciunt ista minimum, vt autem iuuentus ardorem temperantia postulat, ita calfacientia rigiditatem desiderat senectus, vt docet Plat.

*Et scitò Alex. quod dormitio ante prandium macilentum reddat corpus, & desiccat humiditates eius.*

Per

Per somnum ante prandium coacto in viscera calore, qui humidum radicum populatur, & absumit, extenuari corpora, ab Hippocrat. iam pridem proditum fuit. Quod si prioris alimenti cruditates adhuc aliquot supersint, tantum abest, ut officiat, ut multis potius prosit nominibus, nam per somnum ad pensum reuocato calore reliquæ cruditates conficiuntur, & in sanguinem vertuntur, viscera recrementorum infarctu liberantur. Hinc

Cap. 3. li. 1.

Celsus. Si quando insuetus aliquis laborauit, aut multo plus quam solet, etiam is, qui assuevit, huic ieiuno dormiendum est, multo magis si os amarum est, vel oculi caligant, aut ventris perturbatur. Tum enim non dormiendum tantummodo ieiuno est, sed etiam in posterum diem permanendum; nisi citò id quies sustulit.

Post refectioem autem corroborat, & nutrit, quia in somno retrahitur calor naturalis ad intra, & corroboratur super cibi decoctionem, & spiritus quiescunt, & refocillantur. Ideo dixerunt Philosophi, quod magis profuit vespertina comestio, quam meridiana, quoniam in die spiritus tendunt ad sensoria, & impeditur digestio, & calor diffunditur ad exteriora corporis, & stomachus tunc est impotens ad digestionem, sed in vespertino cibus sit oppositum, quia tunc accidit corpori, & spiritibus tranquillitas, & requies, & notis frigiditas conducit calorem naturalem ad intra, & melius tunc decoquit similiter in somno, &c.

Conuenientiores sunt, inquit Athen. nocturna copula, quia luna confert ad concoctionem.

Somnum esse cessationem exteriorum sensuum ob caloris recursum ad interiora, hoc etiam planum est ijs; qui non dum ære lauantur, nosque iam præmonuimus, cum igitur in somno se se ad officinas coctionis recolligat calor naturalis functionis vnicus minister ( siquidem rectè ab Arist. statuitur, nullum animal citra calorem viuere) reliquum est, ut melius inter dormiendum absoluatur coctio; hinc illud prodijit axioma. Somnus concoquit vigilia digerunt. Quod sanè nil est aliud, si modò proprie loqui



qui velimus; quàm excrementa ita parare, vt facillè aman-  
dentur, & excludantur. Quare non est mirum, si à pastu  
corroboret somnus, & vires reparet auctis spiritibus, qui  
per vigilias, & labores euauerant.

*Ideò rectè dixerè Philosophi, &c.*

Magna inter Authores versatur contentio, vberiorne,  
& liberalior esse debeat cœna prandio, an à contrario. Hic  
Author non sine magna ratione cœnam liberaliorè pran-  
dio præscribit, quod est Celsi consilio consentaneum, &  
etiam veterum Romanorum consuetudini. Ita tamen de-  
cernenda difficultas, vt perpetuò sit seruanda consuetudo,  
(alioquin grauissimè afficeretur, qui leuissimæ cœnæ assue-  
tus lautissimè subinde, & copiosè cenasset,) deinde ne sub-  
sit aliqua rheumatica dispositio, & benè firmum sit caput,  
nam cum per somnum inferiora calescant, caput frige-  
scat, vt docet Aristot. Rheuma verò vt plurimum so-  
boles sit frigoris, si plurimum alimonix deuoretur inter  
cœnandum, necessum est, multam efferri ad caput anathy-  
miasim, quæ anarthopos tandem à cerebri frigiditate den-  
sata, & coacta fit catarrhopos, & multarum calamitatum  
parens efficitur. Caueant igitur, quibus imbecille caput  
est, & destillationibus opportunè: Illud sequantur potius!

*Vt sis nocte leuis, sit tibi cœna breuis*

*Neque ignorare debes à Alex. quòd qui consueuit semel  
in die comedere, postea vult comedere bis, vel qui consueuit  
comedere bis, & vult manducare semel, aut plus: si hæc con-  
tinuabit, eueniet sibi nocumentum magnum, quia attenden-  
dum est consuetudini, quæ est altera natura, &c.*

Quamquam naturam non assuescere, asseruit Arist. eam  
tamen audiuisse credendum est, quæ infimum gradum est  
indepta, & infimos perfectionis numeros nacta est, non  
eam, quæ eminentioris est ordinis, & latius perfectionem  
suam extendit, vnde in vegetatiuo per iteratos actus tem-  
perantem, & intemperantem parit, in sensitiuo honestum,  
& procacem, in intellectiuo prudentem, & imprudentem,

E doctum

doctum, & indoctum, tenacis, aut fluxæ memoriæ, quare cum alens anima assuescat, assuetudo verò sit modus naturæ acquisitus, quo meliùs se habet ad operationes infinitas ex natura obiecti, & potentiæ debitas, qui modus distinguitur à natura, vt res, & modus rei; conficiendum est, vt consuetudo penitus sit seruanda, ne insuetudo naturæ acquisitæ vim inferat. Quippe alimentis assuescimus, quòd similis substantiæ modus in nobis ex vsitatis cibarijs comparetur. Nam in cibo, & potu plurimum valet consuetudo ob suauitatem familiaritatis, & ea est causa, cur similia auidius appetamus, dissimilia declinemus, quia ingrata. Præterea insueta vicem gerunt contrarij, quòd scilicet nos afficiunt, & immutant, & propterea dictum est Philosophis, ab assuetis passionem non fieri. Quod sanè pari ratione intelligendum est de ciborum copia, nam quantitati ciborum ita assuescimus, vt si mutetur proportio, aut numerus, summum elucescat detrimentum. Hinc Gal., maior inquit, cibi, aut potus quantitas magis alterat minori, & consuetudo utrobique contracta, si violetur, damnum parit, quia præter solitum ventriculus alteratur, tum etiam quia facultates summoperè læduntur, si infra, aut supra vires exerçantur. Standum igitur consuetudini, vt præcipit Author, ne violetur ventriculi vis.

*Periclitatur, inquit Celsus, & qui semel, et qui bis de cibo incontinenter cõtra consuetudinem sumit.*  
Lib. 1. c. 3.

3. Simpl.  
123.

3. *Si igitur aliqua necessitas, quæ non habet legem, compellit ad hoc, quod renuit consuetudo, debet hoc fieri discretè, & sapienter, scilicet vt fiat mutatio consuetudinis paulatim, etc.*

Si facienda est ex aliqua necessitate consuetudinis mutatio, hoc non omnino, & ætutum faciendum, sed paulatim, nam plurimum, atque repentiè euacuare, vel replere, calfacere, vel refrigerare, siue quouis alio modo corpus mouere, periculosum, quoniam omne nimium est naturæ inimicum, sed quod paulatim fit, tutum est, tum aliàs tum quum ab altero ad alterum fit transitus: Quærent Philosophi, cur qui summa corporis rigentia igni adinouent, vt calfaciant, vehementissimè dolent. Respondent, hoc fieri

repen-

repentina qualitatis mutatione plurimum enim frigus in plurimum calorem mutant. Quid quid enim immodicè repèteque fit, mala videlicet habitudine id naturæ cruciatum affert, quidquid autem bona habitudine, & modo & secundum naturam paulatim mutatur, id naturam magnopere delectat, consistit autem maximè in habitudinis modo humanum corpus, multoque magis, quàm cæterorum animalium. Tanti fecit modum Auic., vt pessimam etiamnum consuetudinem paulatim dimittendam esse docuerit.

Cap. 3. li. 1.

Ergo, inquit Celsus, cum quis mutare aliquid volet, paulatim debet assuescere.

*Super omnia caue, ne manduces, donec sentias stomachum vacuum à precedenti cibo, quod cognosces per desiderium, & ex lenitate, & subtilitate salina ad os decurrentis, quia si quis sumpserit cibum sine necessitate non perfecto alio cibo, inueniet calorem naturalem valde gelidum, & debilem, &c.*

Si quis cibum ingerat, priùs quàm prior sit confectus, & elaboratus, necessum est cruditates fieri, & calorem naturalem obrui, quare summopere cauendum, quia multarum calamitatum principia inde emergunt, sumendus igitur cibus tunc est, quando consueta hora fames incessit, cuius signum est, cum leuis est stomachus, & dulcis, tenuisque pituita in os recurrit.

*Si autem cum desiderauerit, tunc susceperit inueniet calorem, sicut ignem accensum, &c.*

Perfecta chylusi calor ventriculi resumptis viribus validius in opus incumbit, quia resistantiam prioris alimonix penitus euicit, & accensi ignis ex suppositis lignis vicem subit.

*Et cum aduenerit desiderium non fiat mora, aliter stomachus famefcens impleretur malis, & pessimis humoribus, quos ad se attraheret ex toto corpore, qui cerebrum & sensus perturbarent vapore pessimo, & tunc cibus fit tepidus, &*

non proficit corpori. Idem Clinias laudabat exercitium ante cibum usque ad appetitum.

Præclare ædēpol Hipp. stomachum æquori comparavit, quoniam dat, & etiam repetit, stomachus enim plenus singulis membris impertitur alimoniam, vacuus trahit quidquid proximum est, & si alimenta non subsint, trahit excrementa, quæ subinde exagitat, & magna fit confusio, & ad caput euaporatio, unde tam frequens ieiunis capitis dolor, vertigo, epilepsiæ. Cum igitur affuerit appetentia, cibus mansus deuoretur, ne ventriculus cogatur praua excrementa allicere, & non modò sibi, verùm & reliquis particulis noxam communicare. Mane igitur tandiu exerceatur corpus, donec cibi desiderium affulserit.

Ubi more docti

*His tandem posuisse modum dedit ipse Iehonab.*

A D G E O R G I V M  
G R A T I A N V M  
G E N T I L I T I O S T E M M A T E ,

Et omni virtutum genere præclarum.

Se fato Venetias migrasse maiorum suorum Patriam,  
inuitum Cenetâ cessisse eius causâ, quòd se & à vulgi  
calumnijs vindicarit, & optimis instruxerit consilijs,  
dum grassante Peste sanitatis magistratum gereret.



ARPEMTEM Ceneta dona lubentia,  
Et dulces ferias magna necessitas.  
Ad litus streperum diuitis Adria  
Dextro sydere compulit.

Me Manes Patrij, me Genius loci

Obmansere Lares ad proprios diu:  
Differri haud poterant fata, nec excipi.  
Standum est imperio Iouis.

Horrentem rapido vortice Gurgitem,  
Et fasces tetricos cernimus, & vices  
Fortuna dubias, quas Leo Marcipor  
Genti diuidit Italia.

Hic Mundi species enitet undique,  
Maestasque vetus surgit ab incolis,  
Morum & conditio prisca repullulat  
Dulci neffire disfluens.

Hic & religio, & iustitia tenor,  
Splendescitque Rei gloria Publica  
Impolluta Deum consilio, & fides  
Prorsus nescia fallere.

Quidquid Sydonius præcipit Artifex,  
Quidquid Phidiaca ritè struunt manus,  
Admirante oculos hac Urbe c. Arcitum  
Se spectantibus obijcit.

Quid tum? Pierij Musa Georgij  
Cunctarum instat erat, tollere tadia,

Et

*Et curas poterat sola, vetorridos  
Ætus pectoris eximens.*

*Tu pressam vigili sollicitudine  
Mentem Threicio carmine leniens  
Firmabas solido dogmate pectora  
Curarum domitor grauis.*

*Nequicquam stolidum vulgus inanibus  
Iactabat studijs perdere publico  
Fungentem officio, fœdaque semina  
Delentem luis horridæ.*

*Veri consilij compos inertia  
Flexisti medius spicula, & impetus  
Insanos Populi blanda furentibus  
Nectens vincula iurgijs.*

*Ingrati facinus Cuius, & inuidi  
Cum primis doleo, Vallis & æmulæ,  
Atque innexa dolo crimina, & irritos  
Ausus Plebis inospita.*

*Verùm supplicijs plectere vindices  
Cæperunt Superi, reddere commodo  
Haud passi inuidiam; At lumine dextero  
Me Rhamnusia respicit.*

*Sed cur te afficiam tristibus vlcera  
Callo obducta fricans? Me coquit & tui,  
Et nostræ Urbis amor, vernat ubi Venus  
Trinis iuncta sororibus.*

*Euantes videor cernere Libero  
Ducentes Cænetos orgia, Naiadum  
Nunc lustrare Choros, nunc vel Acanthida  
Accectis capere auribus.*

*O si dent iterum fata quiescere,  
Ædem & Palladium visere, dapfilis  
Nonne conditio subtrahat Attali  
Grato ex ore Georgij.*

# MICHAELI ANGELO ROTÆ MEDICORVM CORYPHÆO.



VICINQUE claris conditionibus  
Inter sodales fulgidus eminet,  
Se se inuidis exponit instar

Hippolyti Canibus vorandum.  
Secura nusquam vel caput exerit,  
Floretne virtus. Undique pullulant  
Mores nefasti, qui prementes  
Exoriens decus obtenebrant.  
Virus malignum serpit, & incluta  
Virtutis artus conficit, & nihil  
Relinquit intactum, per omne  
Se insinuans genus it bonorum.  
Inuadit Arcem Palladis horrida  
Labes, & intus corripit, optimi  
Quidquid subest, atroque dente  
Præcipuas populatur arteis.  
Quid plura? Liur noxius est sibi,  
Tabescit, apti quo vorat amplius,  
Et quod magis florescit, aret,  
Quodque magis, perit ille, viuit.  
Sed quale monstrum protero? præpeti  
Volatu in umbras Cimmerias migret  
Nostris ab oris, siue Ditis  
Tartarei loca senta quarat.  
Beatus extra qui inuidia aleam  
Sibi, & Camenis viuit, & impotens  
Vulgus refellit, nec minacis  
Iura fori metuit, nec iras.  
Tristis susurrus semina diffidi,  
Iactatque causas criminis, at tua  
Arctè reuincit, nec reuelli  
Me patitur generosa virtus.  
Quocunque pacto se gerat insolens  
Fortuna, seu me diuitijs beet,  
Seu me opprimat vili ligello  
Te vsque colam reuerenter idem.

IOANNI BAPTISTÆ DOLEONIO  
MEDICO, ET PHILOSOPHO BELLVN.

Non minùs utrâque virtute,quàm genere nobilissimo.

*Enigma ex Auic. lib. de Viribus cordis; Quo significatur à  
consuetis admirationem non afferri.*



**V**ANDO per optatum penitus soterion ozi  
Nonnihil arripui, placidis modò ludere Musis  
Collibet, & monstrare tibi mirabile monstrum;

Quò nostrî specimen teneas, & pignus amoris:  
At, qui magna soles tractare negotia, paulùm  
Huc oculos conuerte decus, columenque Viruni,  
Et nostros ne temne iocos, quibus insitus hæret  
Sæpè suos lepor, & placidissima gaudia profert:  
Aspira Doleone meis conatibus, atque,  
Dum strepit è viridi pendens Erpyllis oliua,  
Mecum animum recreans cessando lude per umbras.

Aduena litoribus lapidem portauit ab Indis  
Lumine perfusum miro, ac splendore coruscum,  
Qui quasi succensus radios per inania iactat,  
Et circumfusum tenebrosis æthera spectris  
Lustrat, & impatiens terræ in sublime volatu  
Sponte sua effertur, spatioque innixus aperto  
Libertatis amans cohiberi sedibus arctis  
Nescit, & angustos renuit tolerare recessus.  
Purus ei, summusque nitor, quem sordida nullis  
Colluuiis temerat maculis, cui nulla figura  
Certa subest species; Proteo inconstantior ipso  
Ilicet effigiem vertit, fallitque tuentes.

Pulcher is aspectu se se spectantibus offert,  
Nec patitur se tractari, cen casta Puella;  
Quòd si fortè manus iuxtà temerarius ausit  
Inijcere, ille flagris idem male captus acerbis  
Cedit, & incautum damnat percussus amorem:  
Ac nihil eximitur secto (incredibile dictu)  
Quin vorat attiguum, molemque augetur in amplam  
Integritate sua gaudens, cunctisque superstes.

Pythagora Iouis hic olim custodia dictus,  
Cui sacra fecerunt Persæ, Medique litarunt,  
Assyriique simul; prisci coluere Quirites  
Nomine sub Vesta, Stoicisque potissima rerum  
Causa: Idem tandem vindex elementa piabit,  
Et mortale genus subter cælestibus Astris  
Protinus omne terens primam reuocabit ad Hylen.

F I N I S.